



蕙浦詩鈔



本	鈔	詩	浦	蕙	本
館	車	國	華	自	購
一	卷	尤	刻	一	冊
一	冊	一	冊	一	冊

憶乾隆壬子癸丑間余與李子引樹昆季訂交於虎林知其能詩文耳孺目染得於過庭者多尊甫蕙浦先生爲秋  
明經輩相砥厲文章瓌偉叔氏敬堂明府游與弟厚齋  
前入遺軌性尤耿介自守不肯隨俗依附家貧負米歷游  
幕府以母老不趨浙東西

時名公卿咸爲折節山右陳


與酬和故所作較多乙卯引樹登賢書辛酉余與季薌泚  
同選拔時先生年逾六旬倦游家居恆以蒔花嘯詠自娛  
今年余需次吳門薌泚以先生詩見示余受而卒讀古詩  
以雄麗勝律體以清新見長洵咀含於古學者已深且益  
知引樹昆季之能詩與文其淵源爲有自己

序


一

嘉慶十有四年三月年愚姪錢唐陳鴻壽拜序

蕙浦詩鈔



嘉興李國華聲



○ 田家雜興

暢好邨居日春來愛景光  
雨餘蔬甲嫩風細豆花香  
曲徑聞嘯鳥疎籬帶夕陽  
濁醪思取醉一臥到羲皇

春雪

天公憫自惜芳暉瞥見銀沙帶  
雨霏氣轉三陽當臘盡花  
餘六出向春飛小園冷壓疎香細  
舊圃寒侵嫩甲微差喜  
主人新釀熟何愁浙浙打柴扉

重過秦溪館中有感

鬱鬱不得志忽忽離故鄉  
良爲負米計欲歸奉高堂  
奈何

蕙浦詩鈔

一

父已沒身猶客遠方徒倚蕭齋畔  
四顧轉蒼涼我昔棲託  
時尚堪陟岵望音容今已杳  
惻愴淚數行俯視籬落間幾  
度發幽香何不返舊里采蘭及  
芬芳瓶粟仍慮罄於焉謀  
稻梁搔首常延佇意欲問東皇  
東皇不可問空見白雲長

春日閒居

近識幽居興未孤籬編六枳儘堪娛  
花名稱意頻催發竹  
報平安不用扶晝暖徐看穿穉蝶  
風微試聽喚提壺年來  
頗厭塵沙苦結箇茆廬位置吾

輓王蕉園丈

纔值春燈後驚聞蒿里歌  
典型從此渺感激至今多問字  
煩頻解攤書許數過靜思清誨日  
悽絕奈如何

追想平生志飛揚跋扈場吟成誇好句貧至竟空囊詩酒  
今誰續田園苦已荒舊時題詠處回首意茫茫

題徐玉田夫子畱松圖後

輕衫暫換水田衣便得逍遙倚翠微悟到三幡堪入座屏  
除萬卷已忘機嶺雲掩黷愁龍化石磴盤桓待鶴歸準擬  
叩門析疑義拈花一笑坐苔磯

秋日寄懷椒畦從祖

日月何奄忽涼飈捲千尺同作橫塘遊仍慮一溪隔秋思  
動我懷不見楚江客枯坐對茅齋微香發瘦石芳躅期未  
來敢云獨攀摘弦望俱有時何日復命策古賢當立志詎  
肯虛晨夕各各宜自保歲寒在松柏

蕙浦詩鈔

二

○ 讀陳情表有感

前賢非立異文章何獨道至性有真樂不以易公侯曠懷  
家令伯使我思悠悠烏鳥同私情念茲菽水謀憶昔年幼  
稚出入動百憂非無劬勞人體恤恆獨周哀哉音容渺寸  
草未一酬涼風瑟瑟來淚下不能收

讀陶靖節帶月荷耒歸句有作

自有田園樂人來艸舍稀一犁尋舊路半魄落苔衣隔樹  
迷香陌臨溪識釣磯煙蓑分影細霧笠逗光微志逐浮雲  
遠心隨倦鳥歸分明林際月攜得到柴扉

春日再過秦溪館舍

作客年年慣重來興轉消歲華真逝水生理祇詩瓢此外

無籌策因誰永夕朝飄飄何所倚獨坐到殘宵  
轉怪山齋畔枝枝欲鬪花不堪愁眼見因益旅人嗟悵望  
誰能遣芳菲且莫誇舊林歸未得歲月類驚蛇  
不少消閒處流光異昔時傷春今日事陟岵去年思旅館  
重來久空庭落夢遲北堂萱艸在風雨莫相吹

○初夏過馮曉亭水閣

年來厭囂塵恣意尋幽圃偶憩小閣間獨與清冷遇之子  
真避俗結茅臨古渡雖無絲竹音自得林壑趣慷慨懷前  
修恍與古賢晤芳草尚未歇美人傷遲暮  
時話王蕉園丈舊事修短  
縱難憑特立宜自樹諧談勢轉劇夕陽下邨路還期蓮葉  
東徐與吟冷句

蕙蒲詩鈔

三

題深柳讀書圖

詩書號淵府所貴在孳剖緬彼古賢喆帶經鋤隴畝塵鞅  
縱勞如千載思尚友之子云何好齋頭栽高柳踈地絲甃  
甃乍喜遠埃垢冷然一展卷拂拭蟬魚走競惜此三餘夙  
契祇二酉徑僻過者稀得句恆叉手霏霏欲染衣鬱鬱繞  
窗牖詰朝來招尋一瓶索座右

題茂荆圖

佳氣相感召春光媚暄妍鬱鬱田家樹早歲罹寒煙根株  
互撐拄不異磐石堅共嗟陟岵句頻懷春令篇擁膝洵可  
樂至性期獨全眷戀慈幃側差喜長隨肩暖風吹駘蕩芳  
馨萋以緜英英齊吐蕊馥郁粲跼連於焉暫憩息足以慰

華顛笑看北堂樹竝發南陔偏

嘉平冒雪渡曹娥江

作客頻年喚楫師重來風雪滿江時四圍山色行人少一  
片煙波歸路遲負米遠遊嗟我拙依劉無策仗誰持袁安  
僵臥非無志夢到陔蘭獨繫思

重經平望

野色平於掌煙波望轉迷春風添客思秋雨憶前題

丁亥秋經

此曾與陳觀察賦詩

放眼巒光遠抽帆樹影齊鄉園相隔近惆悵夕

陽西

春日 至秦園并觀慧泉同陳曉巖觀察賦

泛櫂春水綠遠黛飄晴嵐破夢風徐徐招我窮幽探曾聞

蕙浦詩鈔

四

慧泉側誅茅當山龕舍舟試登眺活脫徑有三老樹盤石  
磴略約靚拖藍繁花正爛漫馥郁香苞含宛轉窈窕窳幽  
景非素諳潺湲瀉碧澗信步隨溪南渟泓清且泚一酌何

云貪

時與觀察汲泉取飲

流觴今已渺曲沼仍虛涵慷慨緬前哲倚

杖心懷慙憶昔秋風起帆影照江潭曩踪一僕指征衫我

何堪

丁亥曾同觀察欲游不果

流光疾如駛柳絲復粲粲予俯小亭

盍簪轉興酣雖非煙霞痼披尋性所耽芳菲不可待妙理  
虛中參曷爲事行役奔趨類羸驂糟牀春酒熟飲之有餘

甘願作卜鄰約來結方圓菴

和陳觀察春日渡揚子江原韻

雄跨曾聞接楚州峭帆遲日挂江頭山根半嚙桃花浪水

勢全吞北固樓天塹古來稱絕險海門東去挾飛流乘風  
尚負平生志長嘯輕浮一葉舟

○虎邱懷古

重來海湧一登臨古寺蕭條傍碧岑霸國空餘當日恨荒  
邱聊繫旅人心花埋幽徑吳宮冷草長清池劒氣深欲弔  
闔閭何處是紛紛黃葉滿秋林

秋夜泊舟胥門外和韻

百花洲畔野鷗眠響屨廊空暮雨天好向胥門門外泊秋  
林紅葉繫輕船

遊秦園不果同陳觀察賦

夢繞秦園已隔年片帆燈火偪前川糟牀乍聽香醪熟何

蕙浦詩鈔

五

處來尋藥玉船

秋日渡揚子江望金山作

江聲走吳楚入海勢渺瀾歸然竦青峰偃仰不可視波濤  
天際來直至山下止峭帆一爲開風捲疾如駛臺榭何連  
蜚玲瓏俯涯涘疎林淡朝煙錯落遙可指我聞裴頭陀得  
金山之趾宛似浮蓬壺窈窕水中沚謝家愛蠟屐奚愁遽  
折齒明春好攀登相與采芳芷

重陽後十日同陳觀察登平山堂作

挂帆幾日來維揚疏籬喜見黃花吐悶拓篷窗悵寂寥何  
處題糕沽邨醪我聞醉翁曾誅茅堂號平山名最古傳之  
自昔圖經誇那不策杖披林鷗偕行星使亦嗜奇重喚楫



師撥柔艫圖潏秋水生微瀾芙蓉猶放江之濇短約橫斜  
殘柳疎亭臺錯落難指數捨舟登岸尋遺踪陰雲乍散當  
亭午石徑滑澁蒼苔皴涼颺倏閃入廊廡六一清風今尚  
存一掃塵埃畱芳矩遐哉高躅不可攀泉聲泠泠鳴石乳  
鑿開海眼自何年祇有殘碑書第五仰睇層樓勢欲飛乘  
興憑欄一快靚浮巒竦列小似鍼波光直射近可俯更欲  
捫蘿窮其巔浙瀝秋風催暮雨攀條彳亍下斜坡冷豔含  
香映瑤圃瓊葩未吐猶待時志士奚甘終儕伍本非放浪  
恣臥游好繼前修探霞戶

漂母祠懷古

潦倒英雄困塵市如魚正失江湖水詎云一飯足療飢平

蕙浦詩鈔

六

生知已良在是我來淮陰訪遺蹤古瓦參差存舊址緬彼  
意誼誰能儔蕭相之外無餘子骨相非常識者稀莫歎耕  
漁少奇士古來具眼獨老嫗姓氏芬芳畱前史嗟哉際會  
不再逢千金酬報奚足齒

歸舟雜詠

長隄一帶漾清渠茅屋柴扉傍水居爲問生涯無別事波  
濤平處好叉魚

疎林拂拂帶晴雲碧水泠泠蹙練紋兩岸鐘聲藏古寺一  
邨紅葉淡朝曛

蘆荻蕭疎水一灣慧泉香處見青山瓜皮艇子划輕槳賣  
盡松膠便欲還

東籬舊徑未荒蕪已少高陽一酒徒漫說西湖好風景苦  
教張翰憶蓴鱸

庚寅正月五日同人集六忍居分賦

葭洲蒼蒼碧水盈盈苦爲形役負此夙盟一解長銖歸來時

序遞更少長畢至脫略俗情二解譬彼喬木幾見枯榮酌彼

旨酒交以淡成三解我客戾止江東步兵同人可筮奚必簪

纓四解驅駒在道中心怍怍載謀烏健商略耦耕五解

並蒂蘭次韓廣文韻

鳳尾抽時態並妍攜來玉砌影相連齊含嫩蕊蜂鬚鬧共  
透幽香蝶夢圓種到湘江誇絕品開憐丹竈合成仙更教  
添買黃磁斗也許陔南異樣傳

蕙浦詩鈔

七

○冬夜有懷南池表弟

爲貧同負米意緒各茫茫欹枕風聲緊挑燈漏影長離情  
誰可訴旅况共難忘漫作驪駒曲吟成舊艸堂

蓮葉

獨愛蓮塘淨田田漾素波濃雲浮翠碧曲沼弄婆娑露滴  
含珠重魚翻戲沫多空堂聽雨罷爽氣幾來過

鳳山門卽事和韻

騷人原自愛西湖小草吟成入畫圖正憶鳳山門外住隔

江蕪菜勝秋菰

汪氏雙節詩

勁節何矯矯連理標貞幹當其始結襦姑嫜情深睨小星

亦抱衾雞鳴同戒旦一朝淚沾襟誓死志斷腕膝前有佳  
兒課讀至夜半風木旣披離時時罹家難飲藥并茹茶門  
戶各禦扞波濤亦已息蘭芝忽爛漫少母先相從皎日誠  
可貫魏彼世俗人微嫌起執爨江沱復江渚寸心亦已換  
仰視雙黃鵠青霄拭霜翰

湖心亭

面面湖光繞畫橋蘭橈先上水心亭兔華最是秋來好采  
得蓴絲喚玉瓶

憶仲春從敬堂叔父客錢江感賦

錢江負米憎春暉更許追隨願不違作客無由閒弄墨繙  
書已得悟忘機詩瓢尚有難酬句

時與馬梁兩  
世兄唱和

山館那堪

蕙浦詩鈔

八

苦憶歸知是依人計盡拙夢隨孤鶴到郊扉

○題陳觀察雁蕩記後

圖經曾說好溪山洞穴迷離迴莫攀絕壁千尋疑鬼鑿飛  
泉萬斛落天關經年未遂探奇志展卷還能豁旅顏漫笑  
謝家屐不到幾回空向赤城還

乙酉歲歸自黃巖兩  
度經此未得一遊

苦雨同董明府

鞏縉作

離家玉絮悵登樓又見廉纖勢未休碧浪插篙新漲闊綠  
苔印屐舊痕畱濃煙積處縈蝸篆宿霧遮時隱玉鉤疇是  
客中好消晝隔牆長笛一聲愁

常山道中眠沙嶺遇雨作

茲山懸峭壁相與共攀尋活脫沙偏滑欹斜草更侵陰崖

驟雨黑遠壑碧流深今夜依何處殘宵獨擁衾

孔坡阻雨宿戴氏山莊

濯枝雨正猛暫息到山家聊以永今夕何愁前路賒  
翦蔬鄉味異對酒短檠斜負米良非易蹉跎感歲華

旅舍對雨

寂靜蕭齋愁思牽梅黃雨急水連天晚添活翠閒階草曉  
濕清香別渚蓮半世生涯無奈拙三年浪跡轉堪憐來朝  
重向溪邊渡何處招尋赤馬船

○旅夜書懷

浪跡今年憶舊遊燈前細數長離愁登樓自悔迷前轍彈  
鋏能忘返故邱漫聽鼃更遲客夢頻看蟾影上簾鉤花南

蕙浦詩鈔

九

老屋臨溪畔一櫂西風葦荻秋

春郊晴望

金烏漸出影瞳矐六枳籬邊映小紅節物今年猶未晚桃  
花依舊笑春風

不問秦源可泛槎一枝枝綴亂紅霞用白敏中句青燕隔處遊  
人少聞徧田家幾樹花

菜畦簇簇染鵝黃蝶舞蜂狂繞野塘莫使妒花風信早老  
紅畱得駐春雉

郊原儘足豁襟顏淡蕩晴光碧一灣堪笑謝公添蠟屐尋  
山踏破綠苔斑

和陳觀察雨遊洞霄宮原韻

有序

余自越中與公遊已閱三載公雅好山水兼工詩文凡遊歷所至寄興雖殊公必述之以文己丑十月之望公以事過禹航謂余曰曩閱志乘知邑之西有大滌山洞霄宮者卽道書三十四洞天也盍往一遊余欣然應之雨驟下僕人尼之公獨先往并賦詩以歸然余豪興終未除也越數日復有事禹航時雲消日霽足以洩遊因與公肩輿而前所過煙巒碧澗殘垣斷碣向所謂洞霄宮者已傾圯無存何興廢不一如此邪低徊久之同歸館舍漏未盡公出記一篇向余商榷余謂紀遊之作所最難者有二稽之漢唐以迄趙宋其間名儒輩出往來題詠不可勝數今於數千載後偶爾瀏覽發之於文不

蕙浦詩鈔

十

免勦說雷同之病此其難一也况夫流傳旣久荒煙蔓草舊蹟罕傳問其名氏遺老已盡於此發爲文章以記前後兩途之勝非仰逼於先條卽俯侵於後章其不見誦於士衡也幾希此又一難也公之文選義考辭獨抒己見竝不規撫前人而酣嬉淋漓於俯仰古今之際深得柳州諸紀遊佳致何其醇也斯真不虛此遊矣雖然文之作豈第在一時之遊覽已哉溯宮之所以興以及宮之所以廢上下數百世於音沈響絕之時憑高弔古卽有人焉尋幽至此亦不過徘徊於山顛水涯之間從未聞芻糝遠紹使當年餘韻流風昭然若揭如斯也余因歎其文之工亦轉幸地之足以傳矣遂溯其顛末并

和詩二章以志勝序之不常云

尋山來大滌因識洞霄宮題詠畱殘碣飄零感數公聽泉  
飛瀑冷撥火藥鑪紅宮殿盡圯今僅存懷古情深處躊躇

霧雨濛

未嫌尋幽意重來弔故宮勝遊同謝客逸興過山公拂磴  
苔痕碧題詩夕照紅登臨知不倦山色已空濛

○重過資福寺

古剎名長在重來獨倚樓層巒銜夕照小閣枕寒流徑曲  
疑無路林深祇似秋會看蠟展滿惆悵感前遊時大中丞  
熊公寓此

○天台曉行

茅屋雞鳴早三更催客行亂山懸細路遠壑咽危聲松火

蕙浦詩鈔

十一

宵林暗疎星傍火明偶然殘夢醒僂指數歸程

和陳觀察咏縣道中作

時將赴  
天台

同泛剡谿水天台路正賒崎嶇盤鳥道爛漫見山花古樹  
橫青岸晴江走白沙那堪風色裏藉爾酌流霞

天台道上卽事

路入天台景不同風花草色畫難工山卽斷續朝煙淡籬  
落參差夕照紅漢水潺湲千澗外春禽宛轉一林中赤城  
幾度虛登眺賸有相思繫浙東

秋日登仙霞嶺同陳觀察賦

我聞仙霞最巔劣奇峰羅列何蜿蜒謝家蠟屐徧厯險茲  
山惜未披雲煙清颺瑟瑟吹不已秋草拂拂猶芊緜偶借

星使理鞭策詰朝同上雙花羈僮兒效靈導先路翠微厯  
厯落我前嵐光繚繞山帶滅老樹夭矯虬龍纏徑窄滑突  
不可上欹行踏破蒼苔錢仰睇飛閣俯山側玲瓏欲墮臨  
紅泉蕭疎高柳翠可挹磊砢石勢彌連蜷脚力已盡山愈  
好蛾眉掩映相爭妍層巒疊嶂難指數疑有仙客高處眠  
胡麻芝草誰類拾那不思拍洪崖肩靈蹤縹緲今莫覩微  
聞香氣來芳荃白露團菊英未落奇葩猶放疎籬邊尋幽  
至此更忘倦攀躋直欲凌層巔回顧三衢平似掌遠控八  
閩形盤旋白雲無心徐出岫倦鳥戢翼應知還人生何苦  
爲形役竭來憩息探真詮紛紛歸騎不可駐還尋舊徑聽  
潺湲何時翦燈約老宿相與清話邀嬋娟

惠浦詩鈔

十一

曉行三衢道中作

最是書生慣頻年賦早征攬衣寒意逼落夢曉煙橫山疊  
疑無路溪清瀉有聲秋容何黯淡幽賞足平生

落花

放眼春光老枝頭著晚紅那堪芳草路更逐妬花風淡點  
疏籬外低飄夕照中劇憐啼鳥散蕭瑟畫橋東

漁笛

何處來三弄鱸肥乍作秋一聲天籟靜明月落江頭

蘇隄次馬喬南韻

小橋分碧漲一道草初齊樹色添晴靄巒光繞舊隄畫橈  
沿岸轉遊騎向風嘶欲訪坡仙蹟迷離夕照西

小有天園和梁桐軒韻

柳陰踈地拂闌前一簇亭臺別有天  
輪與謝家新蠟展攀蘿直上破晴煙

時金蔡二君直登其巖

寄懷陳觀察

試燈風裏理鞭絲御喜江干舫未移

公將有甬江之行

對雨他年

添舊話登樓此日更題詩  
離情夢繞西窗燭短札愁縈南浦思  
會見旌幢常駐處濃花藹藹晴廳

首夏陳觀察畱飲竟日兼贈扇卽席賦謝

款洽情逾渥追陪許數過劇談猶恨少  
勝引卽今多已瀉紅螺酒還貽白紵歌  
知公期我意端不負清和

送陳觀察入覲作

蕙浦詩鈔

三

雙旌欲發動晴颺迢遞燕山賦載馳  
銀海酒傾仍醉客玉臺吟就共題詩

時借徐先生北上

九重顧問勞今日萬戶謳歌

憶昔時歆席豈虛宣室召莫因折柳繫離思

綠陰濃裏數輕郵正及薰風滿帝州  
嘉績至今傳粉署丹忱自許對螭頭  
詔來北闕承新寵節轉南天憶舊遊  
此後相逢應不遠金鷺花發近高秋

聞雁有感

人生獨處歎誰依忽聽靡靡避弋飛  
片影橫空穿碧落幾行結陣向晴暉  
蕭蕭蘆荻身如寄渺渺關山跡未違  
何意池塘虛有夢覺來涕淚濕征衣

穀溪官舍有二橋黃花一枝同馮大埜先生賦



銅雀無由鎖玉人偏分顏色傍花茵  
爛斑豈爲秋將老皓潔翻疑粉未勻  
黃蝶尋香看莫定白衣漣酒認難真好除  
蚰螻東籬下常對霜枝寄此身

官舍時有青蠅故云

### 重經釣臺

客星名小閣隱處不知春  
抱節高千載投竿僅一人  
峭巖雲氣冷幽瀨漲痕新  
重憶披裘者孤蹤尚未湮

### 題李觀察四時行看子

春風吹澹沱冰姿正馥郁  
思古寄幽情雅好在披讀  
卓犖觀羣書不與塵埃逐  
冷然一吟嘯每惜寸陰速  
小閣明殘燈緡經坐三復  
念彼泉石人礪戶抱觚牘  
五車足移情靜夜良可卜  
世事何紛紛斷簡空盈籥  
惟公退食餘砥厲盟

### 蕙浦詩鈔

十四

幽獨冉冉發疎香一瓚喜新漈

韶光流如駛暘暑來華堂  
延佇碧池畔披襟納新涼  
芙蓉清且潔標格壓羣芳  
跪地柳線垂綠陰繞山莊  
露頂暫憩息何知夏日長  
爽氣瑟瑟至輕籟叶風篁  
地僻過者少倚樹聊相羊  
披圖緬高躅彷彿追羲皇  
俯仰洵可樂奚必雲水鄉  
儵然一翹首染翰流古香

商聲何蕭颯吹徧芳樹枝  
芬菲一朝謝老幹獨自持  
萬物有定候敗葉本先吹  
亭亭存傲骨爛漫霜酣時  
撫景一延佇志士動秋思  
禮筭奚足戀雅獨愛幽姿  
由來得氣厚詎藉白露滋  
金飈乍披拂化工洵無私  
流光易遲暮各各當自期  
顏容好常駐策杖得相隨

策策戒長塗玉霏下芳甸入耳怪酸風照眼雜飛霞山色  
遠模糊樹影垂匹練對此理鞭絲孤賞殊未倦青青松柏  
姿勁直故堪戀回首嗤宋家烹泉樂清宴公非餐霞人雪  
峰欲踏徧崖畧擬灞橋清思發遙緬錦囊一刺取銀海未  
生眩疇來賦新詩捨鐵當白戰

和徐方伯調署浙藩畱別濟南諸同人原韻

光陰荏苒記星郵披拂棠花幾度秋一自維屏移瀚筆每  
當翹首望鳴騶三齊迢遞書難達兩浙縈迴願未酬欣值  
銀牀聲乍轉會看丹詔出皇州

鵲華回睇淨無塵雅化非徒在作人六月旬宣資筆畫一  
時稼穡念艱辛頓忘溽暑攀香界卻喜甘霖灑白蘋

方伯在山

蕙浦詩鈔

五

左祈雨於  
六月步齋

自此椰膏應普徧抽豪不等獨吟身

羣欽岳牧冠朝簪定有嚶鳴載好音爽氣欲來凝曉靄清  
暉相映接遙岑因知躍冶歸良匠且幸披沙得斷金十二  
河山常在眼至今憑眺印心

花甸行春日繞城溪山重疊勢縱橫遺蹤最愛之罕古勝  
地常思酌突清敷化迄今餘舊澤揚芬並得飲香名還聽  
瑟瑟涼颺裏更有攀轅樂頌聲

疊嶂嗟峨入望清杏香曩日號傳經行旌已由華不注祖  
帳還來歷下亭早有輿人歌食德翻思風物倚吟屏鸞旂  
泮藻今猶在回首昌平說地靈

自古觀風采俗謠征輪雖動憶芻蕘祇期晚實含珠蕊莫

羨靈根長玉苗荷鋪隨時恆樂業公旬已過盡無徭殷勤  
勸相臨歧語嚙肯分攜在詰朝

遠發星軺趁晚燈心清常似玉壺冰隨行自有朱衣吏伴

處何須紫閣僧一路褰帷畱盼久幾回揮手別懷增湖山

恰與南陔近

方伯有安帆  
娛白髮句

暇日扶鳩好共登

昔日勾畱莫細論今邀紫綬仰君恩吳山近得添濃蔭

越水新看漲碧痕驂篠頻來攜老穉帆舸到處認江邨篋

中尚有清詩在孰效羊何託菘門

定陽客舍金子

延楷

爲德觀察舊友夏日苦雨與宮

明府賦詩互答卽次原韻

記共題襟在竹秋迆疎自笑判鴻溝獨聽蕉雨頻欹枕時

蕙浦詩鈔

六

卷湘簾爲放愁草長階前蝸篆積風來蕪末水雲收何當

酬唱吟情健好學蠻箋一寫憂

曹地山大宗伯壽詩

鹽梅久已待和羹瑞應崧生屬老成瑤闕三花經歲月金

蟬七葉繼家聲藜光紀事畱芸閣雞舌含香典寺卿共仰

絲綸歸洛下賡歌時頌泰階平

九重異數及臣鄰秩晉春官典禮頻玉鑑冰絃推大雅龍

蟠鳳翥出楓宸錫來福海恩波重挹得鴛漿天語

新齒垂詢日句

有猥當馬

遙望德星常聚處八千葱鬱滿庭椿

粹德冲襟冠百僚古稀上壽倚清標宏儒學畫謨猷遠元

老宣勞鼓角銷

公詩有紅旂露  
布捷西師句

五岳雲煙收玉杖九天歌

敘叶簫韶添籌欲爲蒼生祝長駐丹顏翊 聖朝  
融風披拂綺筵張聲應高岡雜鳳凰典學陳謨春入坐揚  
芬摘藻喜登堂陰濃溫室階前樹酒泛郇公社後香竊愧  
滿城桃李在獨看彭戴續稱觴

閒居有感

暮景飛騰對夕陽年來觸處動愁腸  
慈分時苦夏長白髮蕭蕭渾似夢青燐隱隱漸無光  
到此難追憶只待驪駒束舊裝

仍擬出  
門故云

春日蓮西艸堂牡丹盛開偕同人攜尊小飲

何時分得洛陽歸開徧蓮西傍舊屏不似孤高矜冷豔肯  
隨輕薄鬪芳菲風前自覺天香貴雨後還看國色稀倘許

蕙浦詩鈔

七

贈酥重翦燭年年相對一觥飛

蕙浦詩鈔終

孫男頌臣謹校

先贈君壯歲卽負米遠游一時傾折有劉穆之之目與陳  
說巖觀察王稚川太守交最久契亦最深然以先大母在  
堂所歷不踰浙東西得藉以歲時歸省年逾六十目力漸  
減遂家居不出少日從先從祖游偕楊未孩王碧山先從  
叔厚齋諸先生相酬倡及游屐所至友朋贈答與夫觸景  
感懷之作不少第隨手散棄尠存彙本至棄養後不孝等  
摻檢篋笥中年以後半多遺軼深痛偃蹇無狀無以顯揚  
先人之美今所錄存止此謹繕校付梓以附先集之後云  
道光四年歲次甲申秋七月望日男

超孫富孫謹識

跋

一

